

摘藻堂四庫全書薈要

史部

欽定四庫全書薈要

史部

御批歷代通鑑輯覽卷二十六

詳校官助教臣常循



欽定四庫全書蒼要卷七千四百七十九

御批歷代通鑑輯覽卷二十六

後漢

靈皇帝

中平五年春二月有星孛于紫宮

注見前

以劉焉

字君郎江夏竟陵人魯恭王之後

為益州牧劉虞

字伯安東海郟人東海恭

王之為幽州牧

太常劉焉見王室多故建議以為四方兵寇由刺史

威輕且用非其人宜改置牧伯選清名重臣以居其

任朝廷遂從焉議選列卿尚書為州牧各以本秩居

任州任之重自此始

虞嘗為幽州刺史民感懷其恩信故用之焉入蜀會賊殺刺史

卻儉從事賈龍等破走之選吏迎焉徙治綿竹務行寬惠以收人心

夏六月大水

凡郡國七

冀州刺史王芬自殺

陳蕃子逸

逸徙比景以赦還

與襄楷會于刺史王芬坐楷曰

天文不利宦者黃門常侍真族滅矣逸喜芬曰若然

王莽謀誅宦官
可也主謀廢帝
是直叛自殺乃
自取之無足惜
也

者芬願驅除因上書言黑山賊攻劫郡縣欲以起兵

時帝欲北巡河間舊宅芬等謀以兵誅諸常侍因廢

帝而立合肥侯

紀傳無系

以告曹操操拒之

操曰夫廢立之事天下之

至不祥也古人有權成敗計輕重而行之者伊霍是
也然皆懷至中之誠據宰輔之執因秉政之重同衆
人之欲故能計從事立今諸君徒見往昔
之易未覩當今之難欲望必克不亦危乎

會北方夜

半有赤氣東西竟天太史言北方有陰謀不宜北行
帝乃止敕芬罷兵俄而徵之芬懼自殺

秋八月置西園八校尉

以小黃門蹇

姓也左傳有秦大夫蹇叔

碩為上軍校尉袁紹鮑鴻

曹操趙融馮芳夏牟淳于瓊等七校尉皆統于碩帝

自黃巾之起留心戎事碩壯健有武略帝親任之雖

大將軍亦領屬焉

冬十月青徐黃巾復起

先是黃巾餘賊郭太等寇太原河東至是青徐賊復

起攻掠郡縣

講武平樂觀

在洛陽縣東北
今日平樂觀

望氣者言京師當有大兵兩宮流血帝欲厭之乃發四方兵講武于平樂觀起大壇建華蓋帝躬擐甲介馬稱無上將軍行陳三匝而還

帝問討虜校尉蓋勲曰吾講武如是何如

對曰臣聞先王耀德不觀兵今寇在遠而設近陳不足昭果發祇贖武耳帝曰善恨見君晚羣臣初無是言也勲時與袁紹共典禁兵因謂紹曰上君聰明但蔽于左右耳遂與紹謀共誅嬖佞蹇碩懼出勲為京

兆尹

巳巳六年春二月將軍皇甫嵩擊涼州賊王國大破之

王國圍陳倉詔復拜嵩左將軍督前將軍董卓各率

二萬人擊之卓欲速赴陳倉嵩不聽

卓謂嵩曰速救則城全不救則

城滅嵩曰不然百戰百勝不如不戰而屈人之兵陳倉雖小城守固備王國雖強攻陳倉不下其衆必疲疲而擊之全勝之道也國攻陳倉八十餘日不拔疲敝解去嵩

進兵擊之卓以為不可嵩復不聽

卓曰兵法窮寇勿追歸衆勿追因縱猶

闕况大衆乎嵩曰不然前吾不擊避其銳也今而擊之待其衰也所擊疲師非歸且走國衆且走莫有闕志以整擊亂遂獨進使卓為後拒連戰大破之國走非窮寇也

而死卓大慚恨由是與嵩有隙

明年詔卓以兵委嵩卓不從嵩兄子鄴在

軍勸嵩誅卓嵩不聽上書奏其事帝讓卓卓益憎怨嵩

三月劉虞討漁陽賊張純斬之餘衆降散

初漁陽張純

故中山相

與同郡張舉

故太山太守

反

車騎將軍張溫發烏

桓突騎擊涼州賊純請將之溫不許純恥不得將會
烏桓多叛還逃與舉及烏桓大人即力居連盟攻薊

中殺校尉太守衆至十餘萬舉自稱天子純稱彌天

將軍移書州郡告天子避位公卿奉迎

事在四年

鈔掠青

徐幽冀四州詔遣騎都尉公孫瓚

字伯珪遼西令夫人

討之瓚

進戰純等大敗棄妻子踰塞走

瓚深入無繼反為賊所圍二百餘日乃還

賊亦饑困遠遁事在五年

至是劉虞到部遣使至鮮卑中告以利

害責使送舉純首純客王政斬純首送虞餘皆降散

帝遣使者即拜虞太尉

虞既平純乃罷諸屯兵但留公孫瓚將萬人屯右北平瓚

志欲掃滅烏桓而虞欲以恩信招降由是有隙右北平後漢郡治土垠故城在今直隸遵化州豐潤縣

夏四月丙子朔日食

帝崩

年三十四

子辯即位尊皇后曰皇太后太后臨朝封弟

協為渤海王

協先封渤海後徙陳留范書靈帝紀及通鑑皆同綱目于此即書陳留今依通鑑仍

書渤海而以徙封附註于目

初帝數失皇子何后生辯養于道人史子眇家號曰

史侯王美人生協董太后自養之號曰董侯羣臣請

立太子帝以辯輕佻無威儀欲立協猶豫未決會疾

篤屬協于蹇碩

碩素忌何進說帝遣進西擊韓遂帝從之進知其謀奏請袁紹收兵徐克

既還而西以稽行期

丙辰帝崩碩時在內欲先誅何進而立協

使人迎進進往碩司馬潘隱迎而白之進驚馳歸營

引兵入屯百郡邸

天下郡國百餘皆置邸京師百郡邸者百郡總為一邸也稱疾

不入辯即位

四年十

太后臨朝封協為渤海王

年九歲是秋七

月徙封陳留王

以袁隗為太傅與大將軍進參錄尚書事進收宦者蹇碩誅之

進忿蹇碩圖已袁紹因勸進悉誅諸宦官進以袁氏累世貴寵而紹與從弟術皆為豪傑所歸因信用之

復博徵智謀之士何顒

見前

荀攸

字公達
爽從孫

鄭泰

字公業
河

南開
封人

等二十餘人與同腹心碩不自安與趙忠等謀

誅進中常侍郭勝進同郡人以告進進使黃門令收碩誅之因悉領其屯兵

遷孝仁皇后于河間驃騎將軍董重

后兄之子

自殺后暴崩

董重與何進權勢相害中官挾重為助董太后每欲

參預政事何太后輒禁塞之董后忿詈曰汝今輒張

猶強梁也

怙汝兄邪吾敕驃騎斷何進頭如反手耳何太

后告進進與三公共奏故事藩后不得留京師請遷

宮本國舉兵圍驃騎府重自殺董后憂怖暴崩民間

繇是不附何氏

蔡文陵

在洛陽縣西北

何進懲蹇碩之謀不入陪喪又不送山陵

賀善贊曰靈帝信宦豎殺忠賢時多變異且作畢圭作列肆不知社稷之將覆人有恒言曰桓靈靈又甚

于桓也

大水

秋七月大將軍進召董卓將兵詣京師太后詔罷諸宦

官八月宦官張讓等入宮殺進却太后帝出至河

上司隸校尉袁紹捕宦者悉誅之帝還宮以卓為

司空

袁紹說何進悉誅宦官

紹曰前竇武欲誅內寵而反為所害者但坐言語漏泄五

營兵士皆畏服中人而竇氏反用之自取禍滅今將軍兄弟並領勁兵將走皆英俊樂盡力命此天贊之時不可失也進乃白太后請盡罷中常侍以下以三署郎

補其處太后中官統領禁省漢家故事也且先帝新

棄天下我奈何楚楚

悽愴苦楚之意

與士人共對事乎進難

違太后意且欲誅其放縱者事久不決

太后母舞陽君及弟車騎

將軍苗受宦官賂遺為其障蔽進又新貢素敬畏中官雖外慕大名而內不能斷

紹等又為

畫策召四方猛將使引兵向京城以脅太后進然之

召兵之失所不待言其時諸常

侍既罷且來謝
罪則權其罪之
重輕或諒或故
其一獄吏可
之事而董卓亦
兵出無名矣臨
原遂延自貽伊
厥庸臣誤國可
勝誅哉

主簿陳琳諫曰諺稱掩目捕雀夫微物尚不可欺以
得志況國之大事其可以詐立乎今將軍總皇威握
兵要但遠發雷霆行權立斷則天人順之而反委釋
利器更徵外助大兵聚會強者為雄所謂倒持干戈
授人以柄功必不成祇為亂階耳進不聽曹操聞而
笑曰宦者之官古今宜有但世主不當假之權寵使
至于此既治其罪當誅元惡一獄吏足矣何必紛紛
召外兵乎欲盡誅之事必宜露吾見其欺也陳琳
字孔璋時董卓駐兵河東進召之使將兵詣京師鄭
廣陵人時董卓進不從泰乃棄官進又使騎都尉鮑信
盧植皆諫進不從泰乃棄官進又使騎都尉鮑信
去謂荀攸曰何公未易輔也
諫泰山陽平
人宣之後募兵泰山并召東郡太守橋瑁
字元儀
族也成臯使武猛都尉丁原字建陽前
并州刺史將數千人寇

河內燒孟津火照城中皆以誅宦官為言卓聞召即時就道并上書請收讓等以清姦穢太后猶不從卓至澠池而進更狐疑遣使宣詔止之袁紹懼進變計因脅之曰事久變生復為竇氏矣進于是以紹為司隸校尉王允為河南尹紹促卓使馳驛上奏欲進兵平樂觀太后乃恐悉罷中常侍小黃門使還里舍皆詣進謝罪唯所措置紹勸進便于此決之謀頗泄張讓怨其子婦言于太后母舞陽君

讓子婦太后之妹也讓向子婦叩頭

曰老臣得罪當與新婦俱歸私門願復一入直得暫奉太后顏色然後退就溝壑死不恨矣子婦為舞陽

之君言入白太后太后詔諸常侍皆復入直八月進入

長樂宮請太后盡誅諸常侍張讓段珪相謂曰大將軍稱疾不臨喪不送葬今欲入省此意何為使潛聽具聞其語乃率其黨數十人持兵伏省戶下伺進出斬之即為詔以樊陵為司隸許相為河南尹尚書得詔板疑之請大將軍共出議中黃門以進頭擲與曰何進謀反已伏誅矣進部曲將吳匡及虎賁中郎將

袁術引兵燒南宮青瑣門

門刻為連瑣文而青瑤也

讓等將太后

少帝及陳留王劫省內官屬從複道走北宮

尚書盧植執戈

于闔道憲下仰數段珪珪懼乃釋太后太后投闔得免

袁紹矯詔召樊陵許相

斬之引兵屯闕下捕得趙忠等斬之

吳匡等怨何苗不與進同心又

疑其與宦官通謀乃令軍中曰殺大將軍者即車騎也吏士能為報讎乎皆流涕曰願致死遂攻殺苗

紹遂閉北宮門勒兵捕諸宦者無少長皆殺之凡二

千餘人或有無鬚而誤死者進攻省內讓珪等困迫

遂將帝與陳留王數十人步出穀門

正北

夜走小平

津六壘不自隨公卿無從者唯盧植及河南中部掾
閔貢夜至河上貢厲聲責讓等因手劍斬數人讓等
惶怖叩頭向帝辭曰臣等死陛下自愛遂投河而死

貢扶帝與陳留王夜逐螢光南行至碓舍

地名在北
叩之北

止明旦

帝乘一馬陳留王與貢
共乘一馬自碓舍而南

公卿稍有至者董卓

亦到因與公卿奉迎于北芒

即北芒山在今洛陽縣
北接偃師鞏孟津三縣

界阪下卓與帝語語不可了乃更與陳留王語問禍
亂之由王答自初至終無所遺失卓大喜以為賢遂

有廢立意是日帝還宮失傳國璽

鮑信募兵遼至說紹曰董卓將有異

志今不早圖必為所制及其新至疲勞襲之可禽也紹不敢發信乃引兵還泰山

卓初入步

騎不過三千俄而進及弟苗部曲皆歸之卓又陰使

丁原部曲呂布

字奉先五原人

殺原而并其衆卓兵于是大

盛乃諷朝廷以久雨策免司空劉弘而代之

蔡邕亡命江海

積十二年卓聞其名而避之稱疾不就卓怒詈曰我能族人豈懼而應命到署祭酒甚見敬重三日之間

周歷三臺

遷為侍中

九月袁紹出奔冀州卓廢帝為弘農王奉陳留王協即

位

是為獻帝

遂殺太后何氏

卓謂紹曰天下之主宜得賢明每念靈帝令人憤毒

董侯似可今欲立之能勝史侯否為當且爾

猶言且如此

劉氏種不足復遺

卓意欲廢漢自立

紹曰漢有天下四百餘

年恩澤深渥兆民戴之今上富于春秋未有不善宣

于天下公欲廢嫡立庶恐衆不從公議也卓按劍叱

紹曰豎子敢然爾謂董卓刀為不利乎紹勃然曰天

下健者豈惟董卓公引佩刀橫揖徑出逃奔冀州卓大

會百寮奮首而言欲更立陳留王皆惶恐莫敢對盧
植獨曰太甲不明昌邑多罪故有廢立之事今上行
無失德非前事之比也卓大怒免植官植遂逃隱于
上谷卓以議示袁隗隗報如議卓遂脅太后策廢少
帝為弘農王立陳留王協為帝

隗解帝璽授扶下殿
北面稱臣太后鯁涕

羣臣含悲莫敢言
鯁涕胡三省
注言不敢出聲而但鯁咽流涕也

卓又議太后鯁蹕蹕

通謂促迫也

迫永樂宮至憂死逆婦姑禮乃遷永安宮配

殺之

后既殺公卿不敢布服及會葬
素衣而已后諡靈思合葬文陵

卓自為太尉領前將軍事

加節傳斧鉞虎賁更封郿

漢縣今屬陝西鳳翔府

侯

遣使弔祭陳蕃竇武及諸黨人復其爵位

卓與三公上書追理蕃武及諸黨人悉復爵位遣使

弔祠擢用子孫

自六月雨至于是月

冬十一月卓自為相國贊拜不名入朝不趨劍履上殿

十二月徵處士申屠蟠不至以黃琬

字子琬瓊之孫

為太尉楊

彪為司徒荀爽為司空

初尚書周處

字仲遠武成人

城門校尉伍瓊

字德瑜汝南人

說董卓

矯桓靈之政擢用天下名士以收衆望卓從之于是

徵荀爽申屠蟠等爽等皆畏卓之暴無敢不至

爽就拜平

原相行至宛陵還光祿勳視事三日進拜司空自徵至三公凡九十五日

獨蟠得徵書人

勸之行笑而不答竟以壽終

卓又以韓馥為冀州牧劉岱孔伉為兗豫刺史

張邈張岱為陳留南陽太守孔伉字公緒陳留人張岱字文節

韓馥字文節陳留人劉岱字文節陳留人

以袁紹為渤海太守

卓購求表紹急周密伍瓊陰為紹說卓曰紹恐懼出
奔非有他志今急購之勢必為變袁氏樹恩四世門
生故吏徧天下若收豪傑以聚徒衆則山東非公之
有也不如赦之拜一郡守紹喜于免罪必無患矣卓
乃拜紹渤海太守以紹從弟術為後將軍曹操為驍
騎校尉術奔南陽操變易姓名間行東歸至陳留散
家財合兵得五千人是時豪傑多欲起兵討卓袁紹
在渤海韓馥遣數部從事守之不得動搖東郡太守

橋瑁詐作三公移書州郡陳卓罪惡徵兵赴難馥得
移問諸從事曰今當助表氏邪助董氏邪治中從事
劉子惠中山人曰興兵為國何謂袁董馥有慙色乃作
書與紹聽其起兵

孝獻皇帝

庚午初平元年春正月關東州郡起兵討卓推表紹為盟主
時表紹以渤海起兵紹從弟後將軍術冀州牧韓馥
豫州刺史孔伉兖州刺史劉岱陳留太守張邈廣陵

太守張超

弟邈之

河內太守王匡

字公節泰山人

山陽太守袁

遺

字伯業紹從弟

東郡太守橋瑁濟北相鮑信同時俱起衆

各數萬以討卓為名紹與王匡屯河內韓馥留鄴給

軍糧袁術屯魯陽

後漢書曰魯陽屬河南汝州

餘軍咸屯酸棗

見注

前約盟

先一張超以爲功曹洪勸超倡義討卓

謀定議于是訓牧守大會酸棗設壇塲將盟更相推讓共握太升壇

激揚藏共字子源廣陵射陽人

推紹為盟主紹自號車騎將軍領

司隸校尉以曹操行奮武將軍

時諸牧守多歸心袁紹鮑信獨謂操曰君

略下世出殆
天之所啟乎

卓弑弘農王

卓聞東方兵起懼乃酖殺王

葬故中常侍趙忠
成壙中諡曰懷

卓奏免太尉琬司徒彪以王允為司徒殺城門校尉伍

瓊尚書周毖

卓議大發兵以討山東尚書鄭泰諫阻之

泰恐卓衆
多益橫議

曰夫政在德不在衆也卓不悅曰如卿此言兵為無
用邪泰懼乃詭辭更封曰非謂無用以山東不足加

大兵耳明公出自西州少為國將閑習軍事袁本初
公卿子弟生處京師張孟卓東平長者坐不聞堂孔

公緒清談高論噓枯吹生並無軍旅之才臨鋒決敵非公之儔也卓乃悅既而卓又以山

東兵盛欲遷都以避之

卓表朱儁為太僕以為已副儁曰國家西遷必孤天下之

望以成山東之

乃大會公卿議莫敢言者司徒楊彪

繫固辭而止

曰關中殘破都雒已久今無故捐宗廟棄園陵恐百

姓驚動必有廢沸之亂天下動之甚易安之甚難惟

明公慮焉卓作色曰公欲沮國計邪太尉黃琬曰此

國之大事楊公之言得無可思卓不答以災異奏免

琬彪等以王允為司徒伍瓊周綦固諫遷都卓大怒

皇甫嵩既不能
聽子言諫卓于
逼命之時後不
從梁衍迎駕西
遷之議乃至迎
拜車下甘受柳
桡迎還無憾矣
甚此者

曰卓初入朝二君勸用善士故卓相從而諸君到官

舉兵相圖此二君賣卓卓何用相負遂收斬之

時蓋
勲為

京兆尹皇甫嵩以左將軍將兵屯扶風卓素忌嵩將
西還徵嵩為城門校尉欲因殺之嵩將行長史梁衍
說嵩曰卓冠掠京邑廢立從意今徵將軍大則為禍
小則困辱今及卓在雒陽天子東西以將軍之眾迎
接至尊奉令討逆袁氏逼其東將軍迫其西此成禽
也嵩不從遂就徵勲以眾弱不能獨立亦還京師卓
以為越
騎校尉

三月卓遷都長安燒雒陽宮廟發諸帝陵車駕西遷

初卓既專政見雒中貴戚第室相望金帛財產家家

充積卓縱放兵士突其廬舍剽虜資物妻略婦女人
皆不保朝夕至是收諸富室以罪惡誅之沒入其財
物死者不可勝計悉驅徙其餘民數百萬口於長安
步騎驅蹙更相蹈藉積尸盈路卓自留屯畢圭苑中
悉燒宮廟官府居家二百里內無復雞犬又使呂布
發諸帝陵及公卿冢墓收其珍寶三月車駕入長安
居京兆府舍後乃稍葺宮室而居之董卓未至朝政大小皆委之王
允允外相彌縫內謀王室自天子及廟中皆依允允

屈意承卓卓亦雅信焉

卓殺太傅袁隗滅其家

卓以袁紹之故殺太傅袁隗太僕袁基及其家尺口

謂嬰孩也以上五十餘人

長沙太守孫堅舉兵討卓將軍袁術據南陽表堅領豫
州刺史

初堅為長沙太守討賊區星平之封烏程

漢縣今為浙江湖州

府治侯及聞州郡兵起堅亦以長沙舉兵襲殺荊州刺

史王叡

叡先與堅討賊以堅武人遇之無禮及堅比過荊州兵襲叡叡窮迫刮金飲之而死

至南陽衆已數萬南陽太守張咨不給軍糧堅收斬

之前到魯陽與袁術合兵術遂得據南陽表堅行破

虜將軍領豫州刺史

堅遣長史督促軍糧設祖道城東門外官屬共會董卓步騎數

萬猝至堅方行酒談笑整頓却曲無得妄動後騎漸盛堅徐罷坐導引入城乃曰向堅所以不即起恐恐兵相陷藉諸君不得入耳車兵見其整不敢攻而還

以劉表為荊州刺史

是時江南宗賊

章懷注宗黨共為賊

甚盛袁術屯據魯陽餘寇

劉表兄弟數語
當時所促聞語

然偏安之業有
與此相合者衣
持不能善用之
耳然衣在荊州
雖無弭亂之心
而撫輯凋敝藉
以稍安或此說
有以啓之

縱橫

吳人蘇代見羽
阻兵長沙為亂

道路梗塞表單馬入宜城

注見前

請南郡名士蒯良

字子柔中廬人

蒯越

良弟字異慶

與共謀畫

表曰

宗賊各擁衆不附若袁術因之禍必至矣吾欲徵兵
恐不能集其策安出良曰衆不附者仁不足也附而

不治者義不足也苟仁義之道行百姓歸之如水之
就下何患徵兵之不集乎越曰袁術驕而無謀宗賊

帥多貪暴為下所患使人示之以利必以衆來使君
誅其無道撫而用之一州之人襁負而至矣兵集衆

附南據江陵北守襄陽荊州八郡可傳檄而定公路
雖至無能為也表曰善八郡荊州刺史部統南陽

南郡江夏章陵及江南之零

乃使越誘宗賊帥至者

陵桂陽長沙武陵凡八郡
十五人皆斬之而取其衆遂徙治襄陽

荊州刺史本
治武陵郡漢

壽陽縣漢屬南
郡今為襄陽府治鎮撫郡縣江南悉平

曹操與卓兵戰于滎陽不克還屯河內

董卓在雒陽袁紹等諸軍皆畏其彊莫敢先進曹操

曰舉義兵以誅暴亂大衆已合諸君何疑向使董卓

倚王室據舊京東向以臨天下雖以無道行之猶足

為患今焚燒宮室劫遷天子海內震動不知所歸此

天亡之時也一戰而天下定矣遂引兵西將據成臯

張邈遣將
分兵隨之

至滎陽汴水

注見前
汴渠

遇卓將徐榮

元
人

與

戰操兵敗為流矢所中

听來馬被創從弟洪以馬與操曰天下可無洪不可無君

遂步從操

夜遁去榮見操所將兵少力戰盡日謂酸棗未

易攻也亦引還操到酸棗諸軍十餘萬日置酒高會

不圖進取操責讓之因為謀畫

操曰諸君能聽吾計使渤海引河內之衆

臨孟津酸棗諸將守成臯據敖倉塞轅轅大谷全制其險使袁將軍率南陽之衆軍丹析入武關以震三輔皆高壘深壁勿與戰益為疑兵示天下形勢以順誅逆可立定矣今遲疑不進失天下望竊為諸君恥

之丹後漢丹水縣故城在今南陽府內鄉縣析後漢縣故城亦在內鄉邈等不能用操

乃募兵揚州得千餘人還屯河內頃之酸棗諸軍食

盡衆散劉岱遂殺橋瑁

時青州刺史焦和亦起兵始濟河黃巾已入其境青州財

富兵威和每望寇奔北賞罰清亂州遂肅條未幾和病卒袁紹使臧洪領青州以撫之

司空荀爽卒

爽見卓忍暴滋甚必危社稷其所舉辟皆取才略之

士將共圖之會病卒

爽與王允何顓等為內謀爽既卒顓以他事為卓所擊憂憤而

死爽從孫攸及鄭泰亦共謀刺卓事洩泰東奔袁術攸被執反卓誅乃免

卓壞五銖錢更鑄小錢

悉取雒陽及長安同人

泰始皇所鑄

鐘虞飛廉

漢武帝置飛廉館音

義曰飛廉神禽名

銅馬

東京置在金馬門外馬援亦進銅馬

之屬以鑄之由是

貨賤物貴穀石至數萬錢

省孝和以下廟號

左中郎將蔡邕議和安順桓四帝無功德不宜稱宗

和帝號穆宗安帝號恭宗順帝號敬宗桓帝號威宗請皆省去從之

以公孫度

字升濟遼東襄平人徙元菟

為遼東太守

度初為冀州刺史以謠言免中郎將徐榮與度同郡

薦為遼東太守度到官以法誅咸郡中名豪大姓百

子孫議祖父臣議君此何政耶且當時所當急者不在此也邕沒沒請去已上廟號特姬董卓之為耳所謂逸才多識適足濟其邪故孔子訓子夏曰毋為小人儒

餘家郡中震慄乃東伐高句驪西擊烏桓謂所親吏

柳

魯展禽食米柳下其後因以為氏

穀陽儀等曰奚牟將絕當與諸

卿圖王耳于是分遼東為遼西中遼郡

安帝分遼東遼西二郡地

為遼東屬國度復分之也

各置太守越海收東萊諸縣置營州

分

青州為營州遼東本刺史自立為遼東侯平州

取郡治襄

平為名地在今秦天府遼陽州

牧立漢二祖廟永初郊祀天地籍田乘鸞輅設建頭羽騎

辛未二年春正月關東諸將奉大司馬劉虞為帝虞不受

先是虞拜大司馬已加太傅道路壅塞信命竟不得

通

虞在幽州務存寬政勸耕農桑開上谷胡市之利通通漁陽鹽鐵之饒民悅年登穀石三十青徐士庶

避難歸虞者百萬餘口虞牧視溫恤皆為安立生業民忘其遠徙焉至是關東諸將議

以朝廷幼冲逼於董卓關塞遠隔不知存否虞宗室

賢雋欲共立為主

曹操曰吾等舉兵而遠近響應者以義動故也今幼主微弱制于姦

臣非有昌邑亡國之懼而一旦改易天下其孰安之諸君北面我自西向書告袁術術陰有不臣之心不

利國家有長君外託公議以拒之

韓馥袁紹等乃遣故樂浪太守張

岐齋議上虞尊號虞厲聲叱之曰今天下崩亂主上

蒙塵吾受重恩未能清雪國恥諸君各據州郡宜共

虞附幽州遠近歸向者甚眾觀其不受帝號持義侃侃實有過人之量

戮力王室而反造逆謀以相垢污邪馥等又請虞領
尚書事承制封拜復不聽欲葬匈奴以自絕乃止

二月卓自為太師

位在諸侯王上

以弟是為左將軍兄子璜為中軍校尉皆典兵事宗族內外並列朝廷侍

妾懷抱中子皆封侯并以金紫築塢于郿高厚皆七丈積穀為三十年儲自云事成雄據天下不成守此

足以畢老董卓塢僭擬車服乘青蓋金華車爪畫

在今鳳翔府郿縣北兩輻時號曰竿摩車

言其逼天子也 召呼三臺尚書以下諸府啟事 公卿拜謁車下卓不為禮

皇甫嵩時為御史中丞卓見之拱手謂曰義真怖未乎嵩曰明公以德輔朝廷大慶方至何怖之有若淫

刑以逞將天下
皆懼豈獨嵩乎

孫堅進兵擊卓卓敗西走堅入雒陽修塞諸陵而還

孫堅進屯陽人

堅先為卓將徐榮所敗收散卒復進陽人聚名注見前

卓遣步

騎迎戰堅擊破之梟其都督

或謂袁術曰堅若得雄不可復制此謂除狼而

得虎也術疑之不運軍糧堅夜騎見術曰所以出身不顧者上為國家討賊下慰將軍家門之私讎而將軍受浸潤之言還相嫌疑何也術踧踖即為調發卓遣說堅欲與和親堅曰

卓逆天無道今不夷汝三族縣示四海則吾死不瞑

目豈將與乃和親邪遂進軍太谷

注見前

卓自出與戰

堅之拒平詞嚴
義正孫操責諸
將進崇陽未免
言大意珍其實
別有所圖也故
據敗而堅勝

世以傳國璽為
受命之符不知
此時藏秦所造
何反為寶在德
不在藏璽更可
知孫堅得璽表
所奪之玉璽新
莽同一白達敗
亡而已

敗走郤屯澠池堅進至雒陽掃除宗廟祠以太牢得

傳國璽於甄官井中

韋昭吳書張讓之亂劫天子走河上掌璽者以璽投井中及堅

軍城南甄官署有井每旦有五色氣從井中出使人汲井得玉璽其文曰受命于天既壽永昌一角缺分

兵邀卓卓謂長史劉艾曰關東軍敗數矣皆畏孤無

能為也惟孫堅小慙

都繇反愚也

頗能用人當語諸將使

知忌之乃使諸將分屯諸縣

董越屯澠池段熲屯華陰牛輔屯安邑以崇山

東牛氏宋司寇牛父之後以字為氏輔卓之婿也而自引還長安孫堅修塞

諸陵引軍還魯陽

夏六月地震

袁紹逐冀州牧韓馥自領州事

韓馥以豪傑多附袁紹忌之陰節其糧欲使離散紹

客逢

蒲江反

紀

字元圖南陽人

謂紹曰將軍舉大事而仰人資

給不據一州無以自全韓馥庸才可密要公孫瓚使

取冀州馥必駭懼因遣辨士為陳禍福馥迫于倉猝

必有遜讓紹然之以書與瓚瓚果引兵至冀馥與戰

不利紹乃使其外甥高幹

字元才陳留圉人

乃馥所親荀諝

字友若等說馥以冀州讓紹諡謂馥曰公孫瓚乘勝南來其鋒不可當素車

駢引軍東向其意亦未可量竊為將軍危之馥懼曰為之奈何諡曰夫冀州天下之重資也若兩雄并力

兵交城下危亡可立而待然素氏將軍之舊且為同盟為今之計莫若舉冀州以讓素氏彼必厚德將軍

而瓚亦不能與之爭矣是將軍馥性惟怯因然其計有讓賢之名而身安于泰山也

馥長史耿武等諫曰素紹孤客窮軍仰我鼻息譬如嬰兒在股掌之上絕其哺亂立可殲殺奈何欲以州

與之馥曰吾素氏故吏且才不如本初度德而讓古人所貴諸君又何病焉乃避位讓紹

紹遂領冀州牧承制以馥為奮威將軍而無所將御

亦無官屬從事沮授勸紹曰將軍因冀州之眾收英雄之才迎大駕于西京復宗廟于維邑以

此號令天下誅討未服其功不難紹喜即表授為奮
武將軍使監護諸將田豐審配並以正直不得志于
韓馥紹以豐為別駕配為治中與許攸逢紀荀諲皆
為謀主沮攸余反氏出黃帝史臣沮誦之後授廣
平人田豐字元皓鉅鹿人審配字正南魏郡人許攸
字子遠南陽人治中別駕漢于定國條州大小奏置
秩六百石見馥後去紹往依張邈會紹使至與邈耳
文獻通考

語馥謂圖已遂自殺

袁紹表曹操為東郡太守

鮑信謂曹操曰袁紹為盟主因權專利將自生亂是
復有一卓也抑之則力不能制且可規大河之南以

操一見荀彧即
曰吾子房是也
然以漢高自居
於謀之禍豈待

待其變操善之會黑山賊十餘萬衆略東郡操引兵

擊破之袁紹因表操為東郡太守初荀叔之孫彧少

有才名何顓見而異之曰王佐才也及天下亂彧率

宗族北依同郡韓馥彧以潁川四戰之地謂父老宜
巫避之鄉人多懷土不能去會

韓馥遣騎來迎彧
逆獨率其族以往比至冀州而袁紹已奪馥位紹待

彧以上賓之禮彧度紹終不能定大業聞曹操有雄

略遂去紹從操操與語大悅曰吾子房也以為奮武

司馬

明年董卓將李傕等掠潁
川彧鄉人留者多為所殺

議加九錫時即
或乃矯語君子
受人以德其誰
欺乎

卓以張楊

字禪叔
雲中人

為河內太守

初何進遣張楊募兵并州會進敗楊留上黨有衆數

千人遂歸袁紹於河內與南單于屯漳水

注見前

及是

南單于劫楊以叛袁紹引軍屯黎陽

後漢縣故城在
今河南衛輝府

濬縣

卓因以楊為河內守

秋九月蚩尤旗

類彗而後曲象
旗熒惑之精也

見於角亢

蒼龍
之星

冬十月卓殺衛尉張溫

太史望氣言當有大臣戮死者卓故與張溫有隙

卓討

邊章無功孫堅勸溫殺之溫不能從而卓猶懷恨事已具前使人誣告溫罪答殺

於市以應之

卓忍于誅殺諸將言語蹉跌便戮于前稍誅關中舊族陷以叛逆宛死者千數

人不聊生道路以目

公孫瓚攻袁紹以劉備為平原相

胡三省曰劉先主事始此

涿郡劉備

字元德

中山靖王勝之後也少孤貧與母以

販履為業

身長七尺五寸垂手下膝顧自見其耳

有大志少言語好交

結諸豪俠嘗與公孫瓚師事同郡盧植因往依瓚

初備

以討黃巾功除安喜尉督郵到縣求謁不通遂直入縛督郵杖二百以綬繫其頸棄官已去後復以功除

高唐尉為賊所破遂奔瓚

是時關東州郡務相兼并以自彊大袁

術袁紹亦相離貳

術遣孫堅擊董卓未返紹以周昂為豫州刺史使襲堅堅嘆曰同舉

義兵將救社稷逆賊垂破而各若此吾當誰與戮力乎引兵擊昂走之

公孫瓚連破黃

巾威震河北

青徐黃巾三十萬衆入渤海界瓚逆擊于東光南大破之賊乘車重走渡河瓚

因其半濟薄之賊復大破死者數萬生獲七萬餘人威名大震

與術相結而怒紹

劉

子和為侍中帝思東歸使和偽逃出武關詣虞令將兵來迎和至南陽袁術留之使以書與虞虞得書遣

騎詣和瓚止之虞不聽瓚恐術聞而怒已亦使其弟越以騎詣術而陰教術執和奪其兵術從之因即遣

越助孫堅擊周昂越為流矢所中死瓚怒曰余弟死禍由于紹

遂出軍屯磐河

即鉤

禹貢九河之一今山東濟南府陵縣東有磐河店數紹罪惡進兵攻之冀州

諸城多畔從瓚瓚使劉備與田楷徇青州數有戰功因以

為平原相備少與河東關羽字雲長本字長生解人涿郡張飛

字益德涿人相友善至是以羽飛為別部司馬分統部曲

備與二人寢則同牀恩若兄弟而稠人廣坐侍立終日隨備周旋不避艱險常山趙雲字子龍

真先將本部兵屬瓚雲詣瓚瓚曰聞貴州人皆願定人袁氏君何獨迷而能反乎雲

曰天下訕訕未知孰是民有倒懸之厄鄙州論議從仁政所在不為忽袁公私明將軍也備見而

奇之深加接納雲遂從至平原為備主騎兵

河南尹朱儁移書州郡徵兵討卓

初董卓入關留儁守雒陽儁潛與山東諸將通謀東

屯中牟移書州郡請師討卓徐州刺史陶謙

字恭祖丹陽人

上儁行車騎將軍遣精兵三千助之餘州郡亦有所

給

明年春卓遣其將李傕郭汜等將兵拒儁儁逆戰為傕汜所破儁自知不敵遂不復前

劉馬使張魯

字公祺沛國豐人

殺漢中太守斷斜谷

在今陝西漢中府褒

城縣南口曰褒北口曰斜

魯自祖父陵客蜀世奉五斗米道

初靈帝時巴郡張修以妖術療病其

法略與張角同令病家出五斗米號五斗米師聚眾
寇掠郡縣時人謂之米賊後角被誅修遂已去魯因

其法而增飾之

考范書靈帝紀中平二年巴郡張

修反章懷注引劉

父典略為據陳壽三國志張魯傳

魯世奉五斗米道裴松之補注亦引載典略而較章懷注為尤詳今依裴注對修事于此

劉焉在

益州陰圖異計魯母以鬼道有少容往來焉家焉乃

以魯為督義司馬將兵掩殺漢中太守斷絕斜谷閣

即連雲

幾閣

殺害漢使馬上書託言米賊斷道不得復通

因誅殺州中豪彊及太守校尉作乘輿車具千餘乘
時焉子璋從帝在長安帝使喻焉焉留不遣

予在魏屢微不
至節操可觀烈
能化導鄉人改
惡從善尚非虛
聲標榜者派然
遠盜以布謂堅
其為善之心則
未免矯枉沽名
或亦告者之過
歟

管寧

字幼安

邴原

字根矩皆朱虛人

王烈

字彥方平原人

適遼東

公孫度威行海外中國人士避亂者多歸之管寧邴

原王烈皆往依焉

寧少時與華歆為友嘗共鋤菜見地有金寧揮鋤不顧歆提而擲之

人以其知其優劣邴原遊學八九年師友皆一時名士臨別以原不飲酒會米肉送之原曰本能飲酒但以荒思廢業故斷之耳今當遠別可一飲于

是共飲終日不醉

華歆字子魚高唐人

寧原俱

以操尚稱度虛館以候之寧既見度乃廬于山谷避

難者漸來從之旬月而成邑每見度語唯經典不及

世事還山專講詩書習俎豆非學者無見也由是度

安其賢民化其德原性剛直清議以格物度已下心

不安之寧謂曰潛龍以不見成德言非其時皆招禍

之道也密遣原西還度亦不復追烈器業過人名聞

在原寧之右

善于教誘鄉里有盜牛者主得之盜請罪曰刑戮自甘乞不使王產方知也烈

聞而使人謝之遺布一端或問其故烈曰盜懼吾聞其過是有恥惡之心既知恥惡則善心將生故與布

以勸為善也後有老父遺劍于路行道一人見而守之至暮老父還尋得劍怪之以告烈烈使推求乃先

盜牛者也諸有爭訟曲直將質之于烈或至途而返或望廬而還皆相推以直不敢使烈聞度欲以

為長史烈辭之為商賈以自穢乃免

建安中曹操辟原為司空掾從

征吳卒操又屢徵烈達
東不遣烈遂卒于海表

壬申三年春正月表術使孫堅擊劉表表軍射殺之

范書
陳志

孫堅戰歿俱在初平三年通鑑據張璠漢紀載于二年
考吳錄及英雄記所載互有不同今仍依范陳正史

初袁術據南陽戶口數百萬而術奢淫肆欲徵歛無

度百姓苦之稍稍離散既與袁紹有隙

術以豪傑多
附紹怒曰羣

豎不吾從而從吾家奴乎又與公孫瓚書曰紹非袁
氏子紹聞大怒紹司空逢孽子出後伯父成故術云

然各立黨援以相圖術結公孫瓚而紹連劉表術使

孫堅擊表表遣其將黃祖逆戰堅擊破之遂圍襄陽

表夜遣黃祖潛出發兵堅逆與戰祖敗走堅乘勝夜

追祖步兵射堅殺之

堅所舉孝廉桓階詣表請堅喪表義而許之還葬曲阿桓階

字伯緒長沙臨湘人曲阿漢縣唐改曰丹陽今屬江南鎮江府

袁紹擊公孫瓚於界橋

在今直隸廣平府威縣北水經注曰界城橋寰宇記曰袁公橋

大敗之

袁紹自出拒公孫瓚戰于界橋南二十里瓚兵三萬

其鋒甚銳紹遣其將麴義

漢尚書令麴譚子閔避難西平改姓麴氏義本韓馥

將叛紹領精兵八百先登彊弩千張夾承之瓚輕其兵

步縱騎衝之義兵伏楯下不動未至數十步一時同
發謹呼動地大敗瓚軍斬其將嚴網追至瓚營拔其
牙門

牙旗名軍出建立牙竿于門即周禮軍旅會同置旌門是也

餘衆皆走瓚還

薊

夏四月司徒王允使中郎將呂布誅董卓詔允錄尚書
事以布為奮威將軍

司徒王允與司隸校尉黃琬僕射士孫瑞

士孫氏以
爲氏

瑞字君策
扶風人

密謀誅卓中郎將呂布便弓馬膂力過人

卓愛信之誓為父子

卓自知凶恣恐人圖已行止常以布自衛然卓性剛

褊常小失卓意卓拔手戟擲布布拳捷得免卓又常

使布守中閣布與卓侍婢私通恐事覺益不自安王

允素善待布布見允言狀允因以誅卓之謀告之使

為內應布曰如父子何允曰君自姓呂本非骨肉擲

戟之時豈有父子情乎布遂許之四月帝有疾新愈

大會未央殿卓朝服乘車入陳兵夾道屯衛周匝令

呂布等扞衛前後王允使士孫瑞自書詔以授布布

令勇士十餘人偽著衛士服守北掖門卓入以戟刺

之卓衷甲不入傷臂墮車顧大呼曰呂布何在布曰

有詔討賊臣應聲持矛刺卓趣兵斬之即出懷中詔

版以令吏士曰詔討卓耳餘皆不問吏士皆稱萬歲

百姓歌舞于道賣衣裝市酒肉相慶卓宗族在郿皆
為其羣下所殺卓屍于市卓素充肥守吏為大炷
置臍中然之光明遠矚如是積曰塢中有金以王允
二三萬斤銀八九萬斤錦綺奇玩積如邱山

錄尚書事呂布為奮威將軍封溫注見前侯共秉朝政

卓之死也蔡邕在王允坐聞之驚歎允叱之曰董卓
國之大賊幾已滅室君為王臣所宜同疾而懷其私

豈始節尚有可
龍後附董卓隱
思依違坐上之
歎遂至嗟時古
稱不忠惡木陰
何木之聞也馬
日碑不罪豈黨
逆反以城紀廢
典責允膠矣

遇反相傷痛豈不共為逆哉即收廷尉豈乃謝曰身
雖不忠願照首肘足繼成漢史太尉馬日碑謂允曰
伯喈曠世逸才多識漢事當續成後史為一代大典
誅之無乃失人望乎允曰昔武帝不殺司馬遷使作
誇書留于後世方今國祚中衰戎馬在郊不可令佞
臣執筆在幼主左右既無益聖德復使吾黨蒙其訕
議日碑退而告人曰王公其無後乎善人國之紀也
制作國之典也滅紀廢典其能久乎邕遂死獄中
馬日碑字翁
叔扶風人

黃巾寇兖州殺刺史劉岱曹操入據之自稱刺史

青州黃巾百萬衆入兖州殺任城

注見前

相轉入東平

劉岱欲擊之鮑信諫曰今百姓震恐士卒無鬪志不

可敵也觀賊衆羣輩相隨軍無輕重唯以鈔略為資
不若畜士衆之力先為固守彼欲戰不得攻又不能
勢必離散然後選精銳據要害擊之可破也岱不從
遂戰果為所殺曹操部將陳宮字公臺東郡人謂操曰州今
無主而王命斷絕宮請說州中綱紀謂諸從事明府尋往
牧之資之以收天下此霸王之業也宮因往說別駕
治中鮑信等以為然乃迎操領兗州刺史時賊衆精
悍操兵寡弱操撫循激勵明設賞罰乘間設奇晝夜

會戰戰輒禽獲賊遂退走

鮑信戰死操求其喪不得乃刻如信狀祭而哭焉

追至濟北

注見前

悉降之詔以金尚為兗州刺史將之

部操逆擊之尚奔袁術

操得卒三十萬收其精銳號青州兵

六月李傕

北地人

郭汜

張掖人

等舉兵犯闕殺司徒王允呂

布走出關

初呂布勸王允盡殺董卓部曲允曰此輩無罪不可

呂欲以卓財物班賜公卿將校允又不從允素以劍

客遇布布負其功勞多自誇伐既失意望漸不相平

以首惡故脅從
亦特自安亦所
以安朝廷也允
不審權變自提

驕傲且議故議
罷毫無斷制以
致釀成亂陷無
足深惜

催記之變始于
賈翊報復一言
相難自為致命
計而其禍至于

允性剛峻初懼卓故折節下之卓既殲滅自謂無復

患難頗驕傲以是羣下不甚附之允始與士孫瑞議

赦卓部曲既而不果又議悉罷其軍百姓遂訛言當

盡誅涼州人于是卓故將校轉相恐動皆擁兵自守

會卓子壻牛輔為左右所殺催等無所依遣使詣長

安求赦允不許催等益懼欲各解散校尉賈詡

字文和姑

臧人曰諸君若棄軍單行則一亭長能束君矣不如相

率而西以攻長安為董公報仇事濟奉國家以正天

不可復收則罪
實浮於僞記

下若其不合走未晚也催等然之乃率軍數千晨夜

西行隨道收兵比至長安已十餘萬與卓故部曲樊

稠李蒙等合圍長安城城峻不可破守之八日呂布

軍有叟兵

章懷注蜀兵也漢代謂蜀為叟

內反引催衆入城放兵擄

掠布與戰不勝將數百騎駐馬青瑣門外招允同去

允曰朝廷幼少恃我而已臨難苟免吾不忍也努力

謝關東諸公勸以國家為念太常种拂

字穎伯嵩之子

戰死

允扶帝上宣平門

長安城東北門名

避兵催等于城門下伏

地叩頭曰董卓忠于陛下而無故為呂布所殺臣等
為卓報仇非敢為逆也請事畢詣廷尉受罪圍門樓
共表請王允出問太師何罪允窮蹙乃下見之催等
遂殺司隸黃琬徵左扶風王宏

字長文
太原人

右馮翊宋翼

宏遣使謂翼曰催汜以我二人在外故未危王公今
日就徵明日俱族闕東義兵鼎沸欲誅董卓今卓已
死其黨羽易制耳若舉兵共討催等與山東相應
此轉禍為福之道也翼不從宏不能獨立遂俱就徵既

至催收允及宏翼皆殺之尸王允于市莫敢收者故

吏平陵令趙戩

京兆人

收而葬之始允自專討卓之功

士孫瑞歸功不侯故得免于難

惟自為車騎將軍記後將軍樊稠右將軍

張濟鎮東將軍催汜稠共秉朝政濟出屯弘農以賈

詡為左馮翊欲侯之詡曰此救命之計何功之有固

辭不受呂布自武關奔南陽袁術待之甚厚布恐兵

鈔略術患之布不自安去從張楊于河內催等購求

急又逃歸袁紹既而復歸

張楊張濟武威祖厲人

秋八月遣太傅馬日磾太僕趙岐和解關東

日磾至洛陽表別遣岐宣揚國命所到郡縣百姓皆

喜曰今日乃復見使者車騎袁紹曹操聞岐至皆自

將兵數百里奉迎時紹與公孫瓚方爭冀州

瓚遣兵擊詔至

龍湊為紹所破紹又與瓚所置青州刺史田楷連戰二年野無青草紹以其子譚為青州刺史楷與戰不

勝龍湊地岐深陳天子恩德宜罷兵安人又與瓚名在平原界

書為言利害紹等各引兵去皆期會雒陽奉迎車駕

會岐得篤疾經涉逾年期者不至

是冬劉表遣使貢獻詔以為荊州牧

岐以荊州完富欲說表身自將兵共獎王室乃詣表以老病遂留荊州建安中卒日碑為袁術所留術借其節視之因奪不還求去不遣嘔血而死

曹操遣使上書

操辟毛玠

字孝先平邱人

為治中從事玠言于操曰今天下

分崩乘輿播蕩公家無經歲之儲百姓無安固之志

難以持久夫兵義者勝守位以財宜奉天子以令不

臣修耕植以畜軍資如此則霸王之業可成也操納

其言遣使張揚假塗西至長安董昭

字公仁定陶人

乃為操

作書與催汜等致殷勤催汜議留操使黃門侍郎鍾

繇

字元常潁川人皓曾孫

說曰方今英雄並起各矯命專制唯

曹兗州乃心王室而逆其忠欵非所以副將來之望也催汜從之

儁與皇甫嵩同
著威名乃俱就
逆賊之徵而儁
較嵩尤陋觀其
對諸將方謂屈
兒小豎變難可
乘乃反為勍賢
大言不慙莫甚
於此

徵朱儁為太僕

陶謙與諸守相共奏記推朱儁為太師因移檄牧伯
欲以同討李傕等奉迎天子會李傕用賈詡策徵儁
入朝軍吏皆憚入闕欲就謙等儁曰以君召臣義不
俟駕且催汜小豎樊稠庸兒執力相敵變難不
作吾乘其間
儁乃辭謙議而就徵復為太僕謙等遂
大事可濟

罷

癸酉 四年春正月甲寅朔日食

袁術進兵封邱

漢縣今屬河南開封府

曹操擊破之術走壽春

注見

欽定四庫全書

御批歷代通鑑輯覽

卷

前
自領揚州事

術為劉表所迫進兵北向為曹操所破走歸遂所置

揚州刺史陳瑀

先是揚州刺史陳溫卒袁紹以袁遺領揚州袁術擊破之遺走死術遂以

下邳陳瑀為刺史至是術奔九江瑀拒不納術合軍攻瑀瑀走歸下邳九江後漢郡治陰陵故城在今

江南鳳陽據壽春領州事

李傕欲結術為援以為左將軍

華山崩裂

秋曹操擊陶謙謙走保郯

先是陶謙遣使間行奉貢

治中王朗別駕趙昱說謙曰求諸侯莫如觀王今天

子越在西京宜遣使奉承王命譙從之
王朗字景興東海人趙昱字元達琅邪人詔以為徐

州牧至是曹操以其父嵩為譙別將所殺

嵩初避難琅邪操迎

之輜重百餘輜譙別將利其財寶遂襲殺嵩

乃引兵擊譙攻拔十餘城至

彭城大戰譙兵敗走郟操攻之不能克乃去掠旁邑

所過皆屠之

初徐方殷盛穀實差豐京雒流民東出者多歸之及遇操至凡殺男女數十萬

口所過城邑雞犬亦盡墟落無復行人

冬十月地震

十二月復震

有星孛于天市

大司馬劉虞討公孫瓚不克見殺

虞與瓚積不相能

虞遣使奉章陳瓚暴掠之罪瓚亦上虞稟糧不周互相非毀朝廷依

違而瓚別築小城於薊城南以居虞數請會瓚輒不

應虞恐其終為亂乃率兵十萬討之虞兵無部伍又

愛民廬舍不聽焚燒戒軍士曰無傷餘人殺一伯珪

而已攻圍不下瓚乃簡募銳士數百人因風縱火直

衝突之餘衆大潰瓚執虞會詔遣使者段訓增虞封

邑瓚誣虞前與袁紹等謀稱尊號脅訓斬虞及妻子

虞號為寬厚而
軍無部伍其惜
民廬舍戒無傷
餘人皆通足自
貽伊戚宋策建
文帝用是致亂
者然史稱瓚居
薊南小城與虞
相去不遠人何
至與十萬之師
乎記載失實比
此然矣

于薊市虞以恩厚得衆心北州流舊

流他州人流入幽州者舊舊著

籍幽

莫不痛惜

初虞欲遣使詣長安而難其人衆咸曰右北平田疇年雖少有奇才虞乃

備禮請以為掾而遣之疇間道至長安致命北還虞已死疇謁墓哭泣而去北歸無終率宗族及他附從

者數百人掃地而盟曰居仇不報吾不可以立于世遂入徐無山中營深險平敞地而居躬耕以養父母

百姓歸之數年間至五千餘家疇乃為約束班行于衆衆皆便之至道不失遺北邊翕然服其威信烏桓鮮卑各遣使致饋遺疇悉撫納令不為寇田疇字子泰右北平無終人徐無山在今直隸遵化州西

甲戌興平元年春二月追尊母王夫人為靈懷皇后

劉備救陶謙謙表備為豫州刺史

謙告急于田楷楷與劉備救之備自有兵數千人謙

益以丹陽兵四千備遂去楷歸謙謙表為豫州刺史

屯小沛

即沛縣以屬沛
郡故謂之小沛

曹操軍食亦盡引還

夏四月曹操復攻陶謙還擊劉備破之陳留太守張邈

迎呂布以拒操操還攻之

操使荀彧程昱

字仲德
東阿人

守鄆城

漢縣即春秋衛鄆邑
故城在今山東曹州

府濮州曹操領
袁州時治此

復往攻陶謙所過殘滅還擊破劉備

于鄆東謙恐欲走歸丹陽會張邈叛操迎呂布操乃

引軍還

初張邈與袁紹等首舉義兵及紹為主盟有驕色邈正議責紹紹怒使操殺之操不聽而

邈終不自安陳宮性剛直壯烈先事操後亦自疑乃與邈弟超共謀說邈迎呂布為袁州牧是時

兖州郡縣皆應布唯鄆城范

漢縣今屬曹州府

東阿漢縣故城在今

兖州府陽穀縣今縣家開寶中徙屬泰安府

不動降者言宮欲自將取東

阿又使汎

符咸反本凡氏避地于汎水因氏焉

疑取范或謂昱曰今舉

州皆叛唯有此三城宮等以重兵臨之非有以深結

其心三城必動居民之望也宜往撫之昱乃歸過范

說其令殺汎疑勒兵固守昱又遣別騎絕倉亭津述

記在范縣界去東阿六十里

陳宮至不得渡昱至東阿東阿令棗

祇棗氏本姓祇避難改焉祇潁川人

已拒城堅守卒完三城以待操

呂布攻鄆城不能下西屯濮陽操曰布不能據東平

斷亢父漢縣故城在今兗州府濟寧州

泰山之道乘險要我而乃屯

濮陽吾知其無能為也乃進攻之布出攻戰操軍敗

布先以騎犯青州兵青州兵奔操墜馬布騎得操而不知釋之與布相守百餘日引

還鄆城袁紹使人說操欲使遣家居鄆操新失兗州將許之程昱諫乃止

六月京師地再震

饑疲至此僅恃
太倉米豆以康
之真杯水車薪
耳杖倚御以恐
不寬恐得全濟
其語可盡信哉

乙酉晦日食

自四月不雨至于七月

穀一斛直錢五十萬長安中人相食帝令侍御史侯
汶出太倉米豆為平人作糜餓死者如故帝疑粟賦
不實取米豆各五升于御前作糜得二盆乃杖汶五
十于是悉得全濟

劉馬卒以其子璋為益州牧

天火燒綿竹城劉馬徙治成都疽發背卒州大吏趙

韃等貪馬子瑋溫仁其上以為刺史詔以為益州牧

後韃叛瑋圍城都敗死
事在建安七年

陶謙卒劉備兼領徐州

謙疾篤謂別駕麋竺

楚大夫封于麋亭因以為氏竺字子仲東海朐人

曰非

劉備不能安此州也謙卒竺率州人迎備備曰袁公

路近在壽春君可以州與之典農校尉陳登

字元龍下邳人

曰公路驕豪非治亂之主今欲為使君合步騎十萬

上可以匡主濟民下可以割地守境若使君不見聽

許登亦未敢聽使君也北海相孔融謂備曰袁公路

豈憂國忘家者邪冢中枯骨何足介意今日之事百

姓與能

見易繫辭言百姓樂推而不厭也

天與不取悔不可追備遂

領徐州

袁術表孫策

字伯符為懷義校尉

初孫堅娶錢塘吳氏生四男策權

字仲謀

翊字叔弼

匡字季

佐及一女堅從軍于外留家壽春策年十餘歲已交

結知名舒人周瑜

字公瑾

與策同年亦英達夙成聞策

聲問自舒來造勸策徙居舒推道南大宅與策升堂

拜母有無通共及堅死策還葬渡江居江都結納豪

俊有復讐之志至壽春見袁術術甚奇之以堅餘兵

千餘人還策表拜懷義校尉術先許以策為九江太

守已而更用丹陽陳紀又使攻廬江太守陸康

初靈帝時

廬江賊反詔就家拜康太守悉降之至是謂曰前錯

袁術欲攻徐州從康求米康不與故攻之

用陳紀每恨本意不遂今若得康廬江真卿有也策

攻康拔之術復用其故吏劉勲為太守策益失望

乙亥 二年春二月李傕殺樊稠攻郭汜劫帝入其營

董卓初死三輔民尚數十萬戶傕等放兵劫掠加以饑饉

二年之間民相食略盡李傕郭汜樊稠各相與矜功爭權

傕以稠勇而得衆忌之請稠會議便于坐殺稠由是諸將

轉相疑貳傕汜各治兵相攻傕遂將兵圍宮以車三乘迎

帝放兵入掠宮人御物并取金帛遂放火燒宮殿官府居

民悉盡帝使公卿和傕汜汜留太尉楊彪大司農朱雋等

十人為質雋憤慙發病死議攻李傕楊彪曰羣臣共鬪一人劫

天子一人質公卿可乎汜怒欲手刃之彪曰卿尚不奉
國家吾豈求生邪汜乃止僊召羌胡數千以御物繒綵
與之許以宮人欲令攻汜汜遂將兵夜攻僊門矢及帝

簾帷中僊復移乘輿幸北塢使校尉監塢門

侍臣皆有飢色帝求

米五斗牛骨五具以賜左右僊曰朝哺上飯何用米為乃以臭牛骨與之帝使謁者僕射皇

甫酈和僊汜酈先詣汜汜從命又詣僊僊不肯曰郭多

汜一名多盜馬虜耳何敢欲與吾等君觀吾方略士衆足辦

多否多又劫質公卿而君苟欲左右之邪酈曰汜質公

卿而將軍脅主誰輕重乎催呵之出酈詣省門白催
不奉詔辭語不順帝恐催聞之亟命酈去

催遂自為
大司馬位

三公
右

夏四月立貴人伏氏為皇后

曹操攻拔定陶呂布走歸劉備留張超守雍邱

操以陶謙已死遂欲取徐州還乃定布荀彧曰昔高
祖保關中光武據河內皆深根固本以制天下將軍
本以兗州首事河濟天下要地是亦將軍之關中河

內也今舍而東布必乘虛寇暴民心益危是無兗州

也若徐州不定將軍當安所歸乎操乃止布與陳宮

將萬餘人來戰

操兵皆出牧麥在者不能千人此營不固屯西有大堤其南樹木幽深操

操引兵堤裏出半兵堤外布進乃令輕兵挑戰既合伏兵乃悉乘堤步騎並進大破之遂攻

拔定陶分兵平諸縣布東奔劉備邈詣袁術求救留

弟超守雍丘

邈未至壽春為其下所殺布見備甚尊敬之請備于帳中坐婦牀上令婦向拜

酌酒飲食名備為弟備見布語言無常外然之而內不悅

六月張濟迎帝東歸秋七月發長安

張濟自陝來和催汜欲遷乘輿權幸弘農帝亦思舊

京遣使宣諭十反催汜乃許

自催汜相攻數月死者萬數會催將楊奉謀殺

催事泄叛去催眾稍衰帝又遣賈詡召毛
胡大師許以封賞令各引去催由此單弱七月車駕

東出夜到霸陵從者皆饑張濟賦給有差催出屯池

陽汜欲令帝幸高陵公卿及濟以為宜幸弘農汜不

從帝遂終日不食汜聞之曰可且幸近縣八月幸新

豐汜復謀脅帝還都郿侍中种輯知之密告楊定

故卓

部曲催以為
安西將軍

董承

靈帝母董太后之
姪先為牛輔將

楊奉

故白波賊
帥後為卓

將白波賊者黃巾餘黨起
西河白波谷因以為號

令會新豐汜自知謀泄乃

棄軍入南山

注見前

冬十二月張濟與催汜合追帝至陝帝渡河入李樂營

帝東至華陰

將軍段熲具服御及公卿已下資儲欲上幸其營楊定與熲有隙誣熲欲反遂

攻其營十餘日不下熲供給御膳稟膳百官無有二意詔和解之

李催郭汜悔遣天

子復相與和共劫帝而西楊定為汜所遮亡走荆

州張濟與董承楊奉不相平乃反合催汜共追乘輿

至弘農東澗承奉與戰軍敗百官士卒死者不可勝

數

射聲校尉沮偽被創墜馬催謂左右曰尚可活否
偶罵之曰汝等凶逆逼劫天子亂臣賊子未有如

此者催
使殺之

帝露次曹陽

墟名在今河南陝州西
元和志俗曰七里澗

承奉乃

譎催等與連和而密遣間使至河東招故白波

注見前

帥李樂韓暹胡才及南匈奴右賢王去卑並率其衆

數千騎來與承奉共擊催等大破之車駕發東催等

復來戰奉等大敗死者甚于東澗

李樂曰事急矣陛下宜御馬上曰不

可舍百官而去此何辜哉

兵相連綴四十里至陝乃結營自守虎

賁羽林不滿百人承奉等議夜潛過河使李樂先渡

具船舉火為應上與公卿步出營皇后兄伏德扶后

臨河河岸高十餘丈以絹縋而下

餘人皆匍匐岸側或從上自投死亡

傷殘不復相知爭赴舟者董承帝乃御船同濟者皇

李樂以戈擊之舟中手指可掬

漢縣

后宋貴人后父完及楊彪以下纔數十人到大陽

注見前

幸李樂營河內太守張楊使數千人負米貢餉

帝御牛車幸安邑

羣帥競求拜職刻印不給至乃以錐畫之乘輿居棘籬中門戶無闔

閉帝又遣太僕韓融與催汜等連和催乃放遣公卿百官歸所掠宮人已而糧盡宮人皆食菜果

張

楊來朝謀以乘輿還雒陽諸將不聽楊復還野王沮

授說袁紹曰將軍累葉台輔世濟忠義今州域初定
兵彊士附西迎大駕即宮鄴都挾天子而令諸侯畜
士馬以討不庭誰能禦之若不早定必有先之者矣
紹不從

孫策擊劉繇

字正禮年平人岱之弟

于曲阿破走之

先是劉繇奉詔為揚州刺史時袁術已據壽春

刺史所治

丹陽太守吳景

孫策弟

都尉孫貴

字伯陽策從兄

迎繇至曲阿

既而繇以景貴本袁術所用乃迫逐使去景貴退保

歷陽繇遣將屯橫江浦名在和州東南對江南之采石為津渡處以拒之

景賁連攻不克至是孫策說術乞助景等平定江東

策說術曰家有舊恩在東願助舅討橫江橫江拔因投本土召募可得三萬兵以佐明使君定天下術知其恨而以劉繇在曲阿王朗在會稽謂策未必能定遂許之術表策為折衝校尉

將兵千餘人騎數十匹比至歷陽衆五六千策先奉母徙曲

阿依吳景已徙歷陽及是又徙母于阜陵周瑜將兵迎之助以資糧進攻

橫江拔之渡江轉鬪所向皆破百姓聞孫郎至皆失

魂魄雞犬菜茹一無所犯民乃大悅競以牛酒勞軍

遂攻劉繇于曲阿

繇使太史慈偵軍卒遇策于神亭慈便前鬪策擊得慈手戟慈亦得

策兇整會兩家兵騎來赴遂解散

太史慈字子

繇

義東萊人神亭在今江南鎮江府金壇縣西北

兵敗走策入曲阿勞賜將士發恩布令告諭諸縣樂

從軍者一身行復除門戶不樂者不强旬日之間四

面雲集得見

賢過反

兵二萬餘人威震江東術表策為

殄寇將軍策以張紘

字子綱廣陵人

為正議校尉張昭

字子布彭

城人為長史常令一人居守一人從征討待昭以師友

之禮文武之事一以委之繇奔丹徒

將走會稽許劭曰不如豫章北

欽定四庫全書

卷二十六

連豫壤西接荊州孟德景

遂沂江南保豫章

有先從

升必相救濟繇從其言

陶謙為下邳相謙敗融走廣陵殺太守趙昱依故彭城相薛禮子秣陵復殺禮至豫章又詐殺太守朱皓

雍邱潰張超自殺袁紹圍東郡執太守臧洪殺之

張超在雍邱曹操圍之急超曰唯臧洪當來救吾衆

曰袁曹方睦洪為袁所表用必不敗好以招禍超曰

子源天下義士終不肯本但恐見制強力不相及耳

洪時為東郡太守

洪先領青州紹以其徒東郡治東武陽徒跣號泣從

洪守東郡事跡
極類唐張巡其
答陳琳云云義
正而詞嚴慷慨
有烈士風終能
死不失節可謂
言行相顧之士
矣

紹請兵將赴其難紹不與請自率所領以行亦不許
雍邱遂潰超自殺操夷其三族洪由是怨紹絕不與

通紹興兵圍之不下

紹令洪邑人陳琳以書喻之洪復書曰僕蒙主人傾蓋遂竊大

州自謂究竟大事共尊王室豈悟郡將邁危請師見拒使洪故君遂至淪滅區區微節無所獲伸斯所以忍悲揮戈收淚告絕者也行矣孔璋足下微利于境外戚洪投命于君親吾子托身于盟主戚洪策名于長安子謂余身死而名滅
紹知洪無降意增兵急攻

僕亦笑子生而無聞焉

城中糧穀已盡初尚掘鼠煮筋角後無可復食者主簿啟內厨米三升請為饘粥洪歎曰何能獨甘此也使作薄糜徧班士衆又殺其愛妾以食將士將士咸流涕無能仰視者男女七八千人相枕而死莫有離

叛

城陷生執洪紹謂洪曰今日服未洪據地瞋目曰

諸袁事漢四世五公可謂受恩今王室衰弱無扶翼之意欲因際會希冀非望多殺忠良以立姦威洪惜力劣不能推刃為天下報讐何謂服乎紹知洪終不為已用乃殺之

洪邑人陳容少親慕洪時在紹坐起謂紹曰將軍欲為天下除異而先誅

忠義豈合天意紹慚使人牽出容曰寧與賊洪同日死不與將軍同日生也遂復見殺在坐無不歎息竊相謂曰如何一日殺二烈士

劉虞故吏鮮于

箕子封朝鮮其支子食采在于因以鮮于為氏輔迎虞子和擊

公孫瓚破之

公孫瓚盡有幽州之地遂益驕矜記過忘善多所賊

害劉虞從事漁陽鮮于輔等率州兵欲報瓚以燕國

間柔素有恩信共推為烏桓司馬招誘胡漢得數萬

人與瓚所置漁陽太守鄒丹戰斬之烏桓峭王

烏桓大人

之稱感虞恩德亦率種人隨輔南迎虞子和

和先為表術所執逃

還北表紹復留之

與表紹將麴義合兵十萬共攻瓚瓚兵數

敗還易

漢縣故城在今直隸保定府雄縣

京固守

前此有童謡曰燕南垂趙北際中央

不合大如礪惟有此中可避世璣自以為易地當之
遂徙鎮馬及為輔等所敗慮有非常為塹十重築京
高十丈為樓其上以鐵為門專與姬妾居疎遠賓客
希復攻戰或問其故璣曰昔謂天下事可指揮而定
今日視之非我所決不如休兵力田畜穀兵法百樓
不攻今吾樓櫓十重積穀三百萬解食盡此穀足以
待天下
之事矣

丙子建安元年秋七月帝還雒陽

張楊使董承先詣雒陽修宮

時諸將更相疑貳帝遣使至營宣諭乃從詔

楊奉韓暹奉帝東還

胡才李樂留河東才為怨家所害樂病死

楊以糧迎

道路七月至雒陽幸故中常侍趙忠宅八月幸南宮

楊安殿

張楊以為已功故名其殿曰楊安

楊曰天子當與天下共之

朝廷自有公卿楊當出杆外難遂還野王

楊後為其將楊譔所

殺

楊奉亦出屯梁

漢縣故城在今河南汝州

韓暹董承並留宿衛

時宮室燒盡百官披荊棘依牆壁間州郡各擁強兵

委輸不至羣僚饑乏尚書郎以下自出採稻

音呂野穀不因

播種而生者

或饑死牆壁或為兵士所殺

曹操入朝自為司隸校尉錄尚書事

曹操在許謀迎天子眾以為山東未定韓暹楊奉未

可卒制苟或曰今鑾駕旋軫東京榛蕪誠因此時奉

主上以從人望大順也秉至公以服天下大略也扶

宏義以致英俊大德也四方雖有逆節其何能為操

乃遣曹洪

字子廉
操從弟

將兵西迎天子董承等拒之洪不

得進會韓暹矜功專恣承潛召操操乃以兵詣雒陽

既至奏韓暹張楊之罪

暹懼誅
騎奔楊奉

帝以暹楊有翼駕

功詔勿問以操領司隸校尉錄尚書事

操殺尚書馮
碩等封董承

輔國將軍伏完等十三人
為列侯贈沮偽弘農太守

曹操遷帝于許自為大將軍封武平

後漢縣故城在今河南歸德府鹿邑

縣侯

操引董昭問計昭曰諸將人殊意異今留匡弼事執

不便唯有移駕幸許耳操曰此孤本志也乃奉車駕

東遷

行至輶轅楊奉韓暹欲要遮乘輿不及操擊之奉還南奔袁術

遂都許立宗廟

社稷自是政歸曹氏天子守位而已

孫策取會稽太守王朗降

策引兵渡浙江會稽功曹虞翻

字仲翔餘姚人

勸太守王朗

避之朗不從發兵拒戰敗績浮海至東冶

注見前

策追

擊大破之朗乃降

策以朗儒雅詰諫而不害後曹操徵朗參司空軍事

策自領

會稽太守復命翻為功曹待以交友之禮

策好游獵翻諫曰明

府喜輕出微行夫白龍魚服困于豫且願少留意策曰君言是也然不能改白龍魚服昔白龍下清冷之淵化為魚魚者豫且射中其目見劉向說苑

以袁紹為太尉曹操自為司空

詔書下紹責以地廣兵多而專自樹黨不聞勤王之師但擅相討伐紹上書陳懇乃以紹為太尉紹恥班

在操下辭不受操懼請以大將軍讓紹而自為司空
行車騎將軍事

曹操以荀彧為侍中尚書令荀攸為軍師郭嘉

字奉孝
潁州陽

翟人為祭酒

操以荀彧為侍中尚書令問以策謀之士彧薦其
從子攸及郭嘉操徵攸與語大悅曰公達非常人也
吾得與之計事天下當何憂哉以為軍師嘉初見袁
紹紹甚敬禮之居數十日嘉訝其多端寡要好謀無

決遂去之操召見與論天下事喜曰使孤成大業者必此人也嘉出亦喜曰真吾主也操表嘉為司空祭酒

以孔融為將作大匠

北海太守孔融志在靖難而才疎意廣訖無成功時袁曹公孫首尾相連融孤立不與通袁紹子譚為青州刺史攻融自春及夏戰士所餘纔數百人流矢交集而融猶隱几讀書談笑自若及城陷乃奔東山

胡

省注都昌縣之東山也都昌故城在今山東青州府臨朐縣

操與融有舊徵為將

作大匠

融在北海尊事高密鄭康成為特立一鄉曰鄭公鄉會黃巾入郡界康成避地徐州數年

乃還公車徵為大司農以病乞歸卒于家康成所著經書凡百餘萬言通人頗譏其煩然經傳洽熟稱為

大儒齊魯

間宗之

募民屯田許下州郡並置田官

中平以來民棄農業諸軍並起率乏糧穀饑則寇掠

飽則棄餘瓦解流離無敵自破者不可勝數

袁紹在河北軍

人仰食桑椹袁術在江淮取給蒲羸民多相食州里蕭條

羽林監棗祗請建置之

田操從之以祇為屯田都尉以任峻

字伯達中牟人

為典農

中郎將募民屯田許下得穀百萬斛于是州郡例置田官所在倉廩皆滿故操征伐四方無運糧之勞遂能兼并羣雄軍國之饒起于祇而成于峻

呂布攻劉備備走歸許詔以為豫州牧遣東屯沛

先是袁術攻劉備以爭徐州備使張飛守下邳自將

拒術于盱眙

注見前

術與布書令襲下邳許助以軍糧

布引兵東下飛敗走備與術戰又敗請降于布布亦

忽衍軍糧不至乃復與備合并執攻衍至是衍畏布
為已害乃為子求婚布許之衍遣將紀靈等攻劉備
備求救于布布馳往赴之靈等聞布至皆斂兵而止
布屯沛城西南請靈等靈等亦請布布往就之與備
共飲食布謂靈等曰元德布弟也為諸君所困故來
救之布性不喜合鬪喜解鬪耳乃令軍候植戟于營
門布彎弓顧曰諸君觀布射戟小支中者當各解兵
不中可留決鬪布即一發正中戟支靈等皆
驚言將軍天威也明日復歡會然後罷兵
備合兵
得萬餘人布惡之自出兵攻備備敗走歸曹操操厚
遇之以為豫州牧或謂操曰備有英雄之志今不早

圖後必為患操以問郭嘉嘉曰公起義兵為天下除
暴推誠仗信以招俊傑猶懼其未也今備有英雄名
以窮歸已而害之則智士將自疑回心擇主公誰與
定天下乎操笑曰君得之矣遂益其兵以圖布

初備在豫

州與袁渙為茂才至是渙為布所留布使作書辱罵
備渙不可布以兵脅之渙顏色不變笑而應曰渙聞
唯德可以辱人不聞以罵且渙他日事劉將軍猶今
日之事將軍也如一旦去之復罵將軍可乎布慚而
止

袁渙字曜卿扶
樂人司徒滂之子

劉表立學校作雅樂

所處何時而以
庭觀雅樂爲事
清流名士之禍
人於斯極矣

劉表愛民養士從容自保境內無事學士歸之者以

千數表乃起立學校講明經術命故雅樂郎杜夔

字公

良河作雅樂表欲庭觀之夔曰將軍號不爲天子合

樂而庭觀之無乃不可乎表乃止

禍衛少有才辯而尚氣剛傲孔融薦

之曹操衡辱罵操操怒曰衡豎子殺之猶鼠雀耳顧此人素有才名遠近將謂孤不能容乃送劉表衡稱

表之美盈口而好譏貶其左右左右譖之表怒以江夏太守黃祖性急送衡與之後衡衆辱祖祖殺之

衡字正平
平原般人

丁丑二年春二月曹操擊張繡降之繡叛襲操殺其子昂

繡張濟族子也先是濟在關中士卒饑餓至南陽寇

略為流矢所中死繡領其衆屯宛與劉表合

初帝出長安賈

詡往依段熲已而歸繡說繡使附劉表繡從之詡往見表還曰表平世三公才也不見事變多疑無決無能為至是曹操擊繡繡舉衆降操納張濟妻繡恨之

襲擊操軍殺操長子昂操中流矢敗走繡還保穰

明年

操復擊繡圍穰會袁紹將田豐勸紹襲許奉迎天子紹不從而亡卒有以豐謀白操者操遂解穰圍而還

繡率衆追之賈詡曰不可追也必敗繡不聽敗還詡曰促更追之必勝繡從之果以勝歸繡問其故詡曰

公雖善用兵非曹公敵也曹公軍新退必自斷後故云必敗曹公力未盡而一朝引退必國內有故也已

破將軍必輕軍速進諸將雖勇非將軍敵故雖用敗兵而必勝也續乃服

以鍾繇為司隸校尉督關中諸軍

初董卓召馬騰韓遂以圖山東至會卓死李傕皆以

為將軍遣遂還留騰屯郿

事在初平三年

諫議大夫种劭

字申甫拂

之子左中郎將劉範

馬之子

等謀誅傕使騰襲長安戰

敗劭等皆死騰走還涼州

在興平元年

至是曹操將有事

山東而以關右為憂

操用荀彧郭嘉言將東取呂布又恐袁紹侵擾關中或曰關中

將師唯馬騰韓遂最強若撫以恩德雖不能久安比公平定山東足以不動侍中鍾繇有智謀可屬以西

事乃表鍾繇以侍中守司隸校尉持節督關中諸軍繇至長安移書騰遂等為陳禍福騰遂各遣子入侍袁術稱帝殺故兗州刺史金尚

術以識言代漢者當塗高自云名字應之

章懷注當塗高者魏

也術自以術及路皆是塗故云應之

遂有僭逆之謀聞孫堅得傳國璽

拘堅妻而得之議稱尊號孫策聞之與術書曰湯武雖有聖德假使時無失道無由逼而取也今主上非有惡於天下徒以幼小脅于強臣異于湯武之時且

董卓貪淫驕陵志無紀極至于廢主自興亦猶未也
而天下同心疾之况效尤而甚焉者乎術始料策必
與已合及得其書愁沮發疾策遂絕之至是僭號于
壽春自稱仲家置百家郊祀天地沛相陳珪字漢瑜登之父
少與術游術以書召珪又劫質其子期必致珪珪答
書曰足下陰謀不軌以身試禍欲吾營私阿附有死
不能也術以金尚為太尉尚先為曹操所擊奔術事見前尚不許而
逃去術殺之

夏五月以呂布為左將軍布擊袁術兵破之

袁術遣使以稱帝告呂布因求迎婦布遣女隨之陳
珪恐徐揚合從為難未已往說布曰曹公奉迎天子
輔贊國政將軍宜與協謀共存大計今與術結婚必
受不義之名將有累卵之危矣布亦素怨術女已在
塗乃追還絕婚械送其使梟首許市珪欲使子登詣
曹操布固不肯會詔以布為左將軍操復遺布手書
深加慰納布大喜即遣登奉章謝恩並答操書登見

操因陳布勇而無謀輕于去就宜早圖之操即增珪
秩中二千石拜登廣陵太守令陰合部衆以為內應
始布因登求徐州牧不得登還布怒拔戟斫几曰卿
父勸我協同曹操絕婚公路今吾所求無獲而卿父
子顯重但為卿所賣耳登不為動容徐對之曰登見
曹公言養將軍譬如養虎當飽其肉不飽則將噬人
公曰不如卿言譬如養鷹餓即為解術遣其大將張勲
用飽則颺去其言如此布意乃解術遣其大將張勲
等與韓暹楊奉步騎數萬七道攻布布懼不敵珪曰
暹奉與術卒合之師謀無素定不能相維子登策之
比于連雞執不俱棲立可離也布乃用珪策與暹奉

書使與已并力擊術且許破術悉以軍資與之暹奉大喜即從布進軍去勲營百步暹奉兵同時叫呼勲等散走布追擊大破之殺傷墮水死者殆盡

韓暹楊奉縱暴

徐揚間是年劉備誘奉斬之暹奔還并州道為人所殺

袁術遣盜殺陳王寵

敬王美曾孫

自黃巾賊起郡國皆棄城走唯陳王寵有勇善射治兵自守國人不敢離叛故陳獨得完國相駱俊

字孝遠烏

桓素有威恩鄰郡人多歸之有衆十餘萬袁術求糧

俊拒絕之術遣客詐殺俊及寵陳由是破敗

時王侯無復租

祿或并日而食轉死溝壑者甚衆夫人姬妾多為寇盜所虜云

秋九月下故太尉楊彪獄尋赦出之

故太尉楊彪與袁術婚姻曹操惡之奏收下獄劾以

大逆孔融往見操曰楊公四世清德海內所瞻父子

兄弟罪不相及况以袁氏歸罪楊公乎操曰此國家

之意融曰假使成王殺召公周公可得言不知邪操

使許令滿寵

風俗通荆蠻有瞞氏音舛後改為滿寵字伯寧山陽昌邑人

按彪獄

融與荀彧皆屬寵勿考掠寵考訊如法數日求見操

曰楊彪考訊無他辭語此人有名海內若罪不明白

必大失民望竊為明公惜之操即赦彪

彪見漢室衰微政在曹氏

遂稱脚掌積十餘年不行由是得免于禍

戊寅 三年夏四月詔將軍段熲等討李傕夷三族

先是郭汜為其將伍習所殺至是熲等誅傕傳首于

許詔高縣之封煨閭鄉

漢縣今屬河南陝州

侯

熲後徵為大鴻臚病卒

秋九月呂布復攻劉備曹操擊布殺之

呂布復與袁術通遣其將高順等攻劉備破沛城虜

備妻子備單身走曹操使夏侯惇

字元讓
譙人

救備為順

所敗

順所將七百餘兵每戰必克名陷陳營

操乃自擊布與備遇于梁

廣陵太守陳登率郡兵為操先驅進至下邳布屢戰

皆敗還保城不敢出

布欲使陳宮高順守城自將騎斷操糧道布妻謂曰守順素不

和將軍一出宮順必不同心共守城如遣人求救于

有蹉跌妾豈得復為將軍妻哉布乃止

袁術術不能救嚴兵為布作聲援操圍下邳久疲敝

欲還荀攸郭嘉曰呂布勇而無謀今屢戰皆北銳氣

衰矣陳宮有智而遲今及布氣之未復宮謀之未定

急攻之布可拔也乃引沂泗

水名注俱見前

灌城月餘布益

困迫布將魏續等共執陳宮高順

初布性決易所為無常高順每諫布

不能從後遂疎順奪其兵以與魏續至是續執順等以叛布

率其衆降布登白門

樓

水經注下邳城南門名白門

兵圍之急布令左右取其首詣操

左右不忍乃下降布見操曰明公之所患不過于布

今已服矣若令布將騎明公將步天下不足定也顧

謂劉備曰元德卿為座上客我為降虜繩縛我急獨

不可一言邪操笑曰縛虎不得不急乃命緩布縛劉
備曰不可明公不見呂布事丁建陽董太師乎操頷
之布目備曰大耳兒最叵信于是縊殺布及陳宮高
順皆傳首送許然後葬之

操將殺陳宮謂曰奈卿妻
母妻子何宮曰以孝治天

下者不害人之親施仁政于天下者不絕人之祀老
母妻子在否存明公不在宮也遂出就刑操為之流
涕厚撫其家初泰山毛師賊霸等皆附于布及布敗
霸等及布將張遼皆率其眾降操割青徐二州近海
者委霸等以遼為中郎將劉備從操還許操表為左
將軍禮之愈重陳登加伏波將軍

賊霸字宣高泰

山華人張遼字

文遠雁門人

以孫策為討逆將軍封吳侯

孫策遣張紘獻方物操欲撫納之表策為討逆將軍

封吳侯以紘為侍御史袁術以周瑜為居巢

注見前

長

魯肅

字子敬臨淮人

為東城

胡三者注前漢縣屬廬江後漢省當是袁術復置

長瑜

肅知術終無所成皆棄官渡江從策策自將討祖郎

丹陽宗帥

于陵陽

注見前

禽之即破械署門下賊曹又討太

史慈

劉繇亡走慈進住涇縣大為山越所附

于勇里

胡三省注在涇縣

禽之即

署門下督

策謂慈曰寧識神亭時邪若卿爾時得我云何慈曰未可量也策大笑曰今日之事

當與卿共之孤是卿
知已勿憂不如意也

軍還郎慈俱在前尊軍人以為
榮先是劉繇攻破笮融朝廷以華歆為豫章太守及
是繇卒餘衆未有所附策命慈往撫安之且觀華歆
牧御方規何如慈還謂策曰華子魚良德也然無他
方規自守而已策遂有兼并之志

己卯
四年春三月袁紹擊公孫瓚瓚自焚死

袁紹連年攻公孫瓚不能克欲與瓚釋憾連和瓚不
答而增修守備至是黑山帥救瓚未至瓚密使人齎

書使起火為應瓚自內出戰紹候得其書如期舉火
瓚遂出戰紹設伏擊之瓚大敗復還自守紹為地道
穿其樓下燒之樓輒傾倒稍至京中

即所築
高京

瓚悉縊

其姊妹妻子然後引火自焚

其將田
楷戰死

袁紹承制以烏桓蹋頓為單于

蹋頓卽力居從子有武略卽力居死

子樓班年少
蹋頓代立

總

攝諸部紹攻公孫瓚蹋頓以諸部助之瓚滅紹皆賜
以單于印綬又以閭柔得烏桓心因加寵慰以安北

邊其後諸部奉樓班為軍于以
蹋傾為王然蹋頓猶秉計策

夏六月袁術北走詔劉備將兵邀之術還走死

術既稱帝淫侈滋甚媵御數百無不兼羅紈厭梁肉

而士卒凍餒莫之簡恤既為呂布所破事見前又為曹

操所敗二年操東征術術棄軍走留其將橋蕤等拒操操擊斬之術走渡淮由是遂衰資食

空盡不能自立乃燒宮室奔其部曲陳簡復為所拒

士卒散走憂懣不知所為乃遣使歸帝號于紹具言去

漢室袁氏當袁譚自青州迎術欲從下邳北過曹操

遣劉備邀之復走壽春至江亭坐箕牀而歎曰袁術
乃至是乎因憤慨歐血死妻子奔皖城故廣陵太守
徐璆得傳國璽獻之

秋八月曹操進軍黎陽

注見前

還許分兵守官渡

城名在今河南

開封府中年縣東北亦曰中年臺

袁紹既克公孫瓚心益驕貢御稀簡簡精兵十萬騎
萬匹欲以攻許沮授諫曰曹操奉天子以令天下今
舉師南向于義則違且廟勝之策不在彊弱操法令

既行士卒精練非公孫瓚坐而受攻者也竊為公懼
之紹不從許下諸將聞紹將攻許皆懼操曰吾知紹
之為人志大而智小色厲而膽薄忌克而少威兵多
而分畫不明將驕而政令不一土地雖廣糧食雖豐
適足以為吾奉也

孔融謂荀彧曰紹地廣兵彊田豐

臣也任其事顏良文醜勇將也統其兵殆難克乎或
曰紹兵雖多而法不整田豐剛而犯上許攸貪而不
治審配專而無謀逢紀果而自用此數人者執不相
容必生內變顏良文醜一夫之勇耳可一戰而禽也

八月操進軍黎陽使臧霸等入青州于禁

字文則泰
山鉅平人

屯河上九月操還許分兵守官渡

冬十一月張繡降

袁紹遣人招繡并與賈詡書結好詡于繡坐上顯謂
紹使曰歸謝袁本初兄弟不能相容而能容天下國
士乎繡驚懼曰何至于此詡因勸繡歸曹操繡從之

操以繡為揚武將
軍詡為執金吾

復置鹽官從司隸校尉治弘農

關中諸將以袁曹方爭皆中立顧望

涼州牧韋端使
從事楊阜訪許

阜還諸將問袁曹勝負阜曰袁公寬而不斷好謀而少決不斷則無成少決則後事今雖彊終不成大業曹公有雄才大略決機無疑法一而兵精能用度外之人所任各盡其力必能濟大事者也

楊阜字義

山天水

操使侍御史衛覲

字伯如何東安邑人

往鎮撫之時四

方大有還民諸將多引為部曲覲書與荀彧

書曰關中膏腴

之地頃曹荒亂人民流入荊州者十萬家今野者無以自業諸將各競招懷以為部曲一旦變動必有復豐夫鹽國之大寶也亂來放散宜如舊置使者監賣以自直益市黎牛若有歸民以供給之勤耕積粟以豐殖關中遠民間之必日夜競還又使司隸校尉留治關中以為之主則諸將日削官民日盛此彊本弱

敵之或以白操操從之始遣謁者僕射監鹽官司隸

校尉治弘農關中由是服從

孫策襲廬江取之徇豫章太守華歆降

廬江太守劉勲親得袁術部曲孫策惡其兵彊勸勲

攻取上繚

今江西南康府建昌縣有上繚營相傳漢昌邑王所置

宗帥勲既行

策與周瑜輕軍襲拔廬江悉降其衆勲北歸許策遂

西破黃祖威兵將徇豫章謂虞翻曰華子魚自有名

字然非吾敵也若不開門讓城不得無所傷害卿便

在前具宣孤意翻往見歆曰孫討逆智略超世用兵

華歆王朗雖同
一壘城於節然
朗猶力盡而降
歆則葛巾迎謁
名士厚顏孰甚
於是

如神君今守孤城資糧不足不早為計悔無及也大

軍已次椒丘

地名在南
昌府城北

明日日中迎檄不至與君絕

矣歆乃夜作檄明旦遣使齎迎策便進軍歆葛巾迎

降策向歆拜禮為上賓

策之入皖城也撫視袁術妻
子及入豫章牧載劉繇喪善

遇其家士大夫以是稱之
皖城後漢皖縣
為廬江郡治故城在今江南安慶府潛山縣

劉備起兵徐州討曹操

初董承稱受帝衣帶中密詔與劉備謀誅曹操操從

容謂備曰今天下英雄唯使君與操耳本初之徒不

足數也備方食失匕箸值雷震備因曰聖人云迅雷
風烈必變良有以也遂與承及种輯等同謀會操遣
備邀袁術備遂殺徐州刺史留闕羽守下邳行太守
事身還小沛郡縣多叛操為備備衆數萬人遣使與

袁紹連兵

操使長史劉岱等擊備不克備謂曰使汝
百人來無如我何曹公自來未可知耳

御批歷代通鑑輯覽卷二十六



總校官進士臣程嘉謨
校對官編修臣吳舒帷
膳錄監生臣李邦燮